

## Headlines

1. प्रधानमंत्री नरेंद्र मोदी होरें अपने 'मन की बात' कार्यक्रम च महिला सशक्तिकरण बारै गल्ल कीती। उनें आखेआ जे पी.एम स्वनिधि योजना राहें 35 लक्ख महिलाएं गी फायदा होआ'रदा ऐ।
2. प्रधानमंत्री मोदी होरें नौजवानें, संगीतकारें ते सकंटे क्किट्टे गी नशामुक्त भारत अभियान लेई जिंगल। नारे ते कंटे बाने दा आग्रह कीता, आखेआ जे एह अभियान हून रफ्तार फगडा करदा ऐ।
3. उपराज्यपाल मनोज सिन्हा होरें श्री माता वैश्वो देवी श्राइन बोर्ड दे स्थापना दिवस समारोह च हिस्सा लैता।
4. करसानें कठुआ जिले दे बनी च अखरोटे दे झाड़ गी किट्टा करना शुरू करी दित्ता गेआ ऐ।
5. ते रामबन जिले च एन.एच-44 गी चेड़ा करने दे कम्मै च रामबन-बनिहाल दे मुश्कल हिस्से गी नमियां सुरंगां, पुल ते आधुनिक शिडकां ढांचें कन्नै होर बेहतर बनाया जा'रदा ऐ।

<><><><><><>

## PM-MKB

प्रधानमंत्री नरेंद्र मोदी होरें आखेआ जे नशामुक्त युवा विकसित भारत लेई अभिजान समूलचे देसै च तेजिया कन्नै अगगे बदा'रदा ऐ। अज्ज आकाशवाणी परा मन की बात कार्यक्रम च श्री मोदी होरें इस गल्ला पर खुशी प्रगट कीती जे नशामुक्त युवा ते नशामुक्त भारत शडी इक्क औपचारिकता नेई ऐ कीजे मते सारे लोक टकोहदा करियै नौजोआन एहदा हिस्सा बना करदे न।

प्रधानमंत्री होरें आखेआ जे नशे दी कवैतु कन्नै शडा इक्क जने पर गै गलत असर नेई पौंदा, सगुआं पूरे परोआर ते समाज गी बी एहदे माड़े नतीजे भुगतने पौंदे न। उनें नशे खलाफ जागरूकता फलाने ते नशे दे जाल च फसे दे लोकें दी मदाद ताई अगगे औने आहले लोकें दी सराहना बी कीती। उनें आखेआ .....बाईट.....

प्रधानमंत्री होरें आखेआ जे पीएम स्वनिधि योजना राय लक्खें महिलाएं गी नमां बल थ्होआ करदा ऐ। उनें आखेआ जे महिला सशक्तिकरण दे इस पहलू दी उन्नी चर्चा नेई होई जिन्नी के होनी लोडचदी ही। श्री मोदी होरें आखेआ जे तकरीबन 46 प्रतिशत महिला पी.एम स्वनिधि योजना दियां लाभार्थी न। .....बाईट.....प्रधानमंत्री होरें आखेआ जे सफाई-सुथराई च इक्क खास गल ऐ, उनें आखेआ जिसलै कुसै थाहरे गी साफ सुथरा रखने दा संकल्प लोकें दा अपना संकल्प बनी जंदी ऐ ते उसलै उस थाहरै दी पंछान पूरी चाल्ली बदलोई जंदी ऐ। .....बाईट.....

श्री मोदी होरें आखेआ जे अज्ज देसै दियें बेटियें दे सुखने दी डोआरी धरती थमां अंतरिक्ष तगर पुज्जा करदी ऐ। उनें गलाया जे भारत इस चाल्ली दे सुखने दिक्खने आहिलियें दुनिया दियें ज्हारें बेटियें गी कन्नै जोड़ा करदा ऐ। प्रधानमंत्री होरें आखेआ जे इस पहल दा नां मिशन शक्ति सैट ऐ।

<><><><><><>

## LG-SMVDSB

उपराज्यपाल मनोज सिन्हा होरें श्री माता वैश्वो देवी अस्थापन बोर्ड स्थापना दिवस समारोह ते श्री माता वैश्वो देवी गुरुकुल दे सलाना दिवस समारोह च किट्टे गी संबोधित कीता। अपने संबोधन च एल.जी होरें शिक्षा च नैतिक मुल्लें-कट्रें ते साइंस दी बरोबरी पर बल पाया। श्री सिन्हा होरें आखेआ जे जिज्ञासा ज्ञान दा पहला दिया ऐ ते शिक्षा कन्नै चरित्र, मानवता ते बिजन स्वार्थ आहली दया विकसित हुं'दी ऐ। उपराज्यपाल होरें सतत विकास ते पर्यावरण जागरूकता दे कन्नोकन्नी गुरुकुल च नैतिक मुल्लें-कट्रें ते साइंस इनोवेशन केंद्र सेवा ते समाज मुहिम सने औने आहले समें च इस्तेमाल होने आहले कौशलें पर जोर देने दी अपील कीती।

<><><><><><>

## Walnut Harvesting Kathua

कठुआ जिले च बनी दे पहाड़ी इलाकें च करसानें खोड़ें दा झाड़ तोआरना रम्भ करी दित्ता ऐ। इसी अपनी सख्त मेहनत दा फल दस्सदे होई करसानें आखेआ जे ओह बेसब्री कन्नै समें गी बलगा'रदे हे। पहाड़ी इलाकें च बाडी दा मौसम रम्भ होंदे गै करसान ते उंदे परोआर आहले बागें थमां खोड़ें गी किट्टा करने च जुटे दे न। इनें इलाकें दे करसान राई-बाई दे कुदरती तरीकें दा इस्तेमाल करदे न, ओह खोड़ें गी बजारै च बेचने शा पैहले ओह इंदी सफाई ते 5-6 दिनें तगर धुप्प च सकांदे न। मकामी करसानें लेई एह आमदन दा इक्क जरिया ते साल भर दी मेहनत दा नतीजा बी ऐ। इक्क करसान नै आखेआ .....बाईट.....

<><><><><><>

## NH-44 Four Laning

रामबन जिले च एन.एच-44 गी चैं लैने आहली बनाने दा कम्म नमियें सुरंगें पुलें ते आधुनिक सड़क ढांचे रायं रामबन-बनिहाल दे मुश्कल हिस्से गी बेहतर बना'रदा ऐ। उब्बड़ा चुक्के गेदे हिस्से च गड्डियें दी आओजाई बदी ऐ ते मुसाफिरें सने डरैवरें लेई सुरक्षा ते सहूलतें च बी बाढ़ा होआ ऐ। तोआई 32 किलोमीटर दे हिस्से चा तकरीबन 9 किलोमीटर अजे पूरा होना बाकी ऐ। इस परियोजना गी दिसंबर 2027 तगर पूरा करने दा लक्ष्य रक्खे गेदा ऐ। इस सरबंध्यै च होर मती जानकारी कन्नै एनएचएआई दे परियोजना निदेशक शुभम यादव .....बाईट.....

<><><><><><>

## Laghu-Udhyani

लघु उद्यमी पहल तैहत जूनियर ब्यूटी प्रैक्टिशनर्स ताई इक्क कौशल विकास सखलाई कार्यक्रम च 27 मेदवारें शिरकत कीती। एहदा मकसद स्वयं रोजगार ते उद्यमिता गी बढ़ावा देना ऐ। सिखलाई, च मुख् ध्यान मेदवारें गी ब्यूटी यानि खूबसूरती ते पर्सनल केयर सेवां च जमीनी ज्ञान ते कम्म करियै कौशल कन्नै अवगत करोआने पर दित्ता गेआ। तोआई, 30 ग्रामीण महिलाएं दा इक्क बक्खरा बैच कटिंग ते टेलरिंग दी सिखलाई लै करदा ऐ। एहदा मकसद उनेंगी कमाई आहले कौशल सखाना ते जमीनी सतह पर उद्यमिता गी बढ़ावा देना ऐ। आकाशवाणी समाचार कन्नै गल्ल करदे होई S.B.I RESTI दे निदेशक मुनीश शर्मा होरें आखेआ .....बाईट.....

सिखलाई हासल करा'रदे किश मेदवारें गलाया .....बाईट.....

<><><><><><>

## UG Adm Phase-2

जम्मू-कश्मीर दे उच्च शिक्षा विभाग नै केंद्र शासित प्रदेश दे सरकारी डिग्री कालेज च 2026-27 आहले शैक्षणिक बरें गितै अंडर ग्रेजुएट यानि बी.ए तगर दे कोर्स च दाखले लेई दुए गेड़ दी दाखला प्रक्रिया बारै अधिसूचना जारी कीती ऐ। एह दाखला उनें विद्यार्थीं लेई खुल्ला ऐ जिनें 12मीं जमात बतौर प्राइवेट मेदवार या 2026 दे सप्लीमेंटरी पेपर लेइयै पास कीती ऐ ते मानता हासल शिक्षा बोर्डे आसेआ उंदे नतीजे घोशित कीते गेदे न। एह दाखले केंद्रीकृत दाखला पोर्टल [jkadmissions.in](http://jkadmissions.in) व्यक्तिगता तौर पर काउंसलिंग राएं ते सिद्दे जाइयै दाखला लैने यानी वाक इन एडमिशन लैने आहली प्रक्रिया राएं कराए जाई सकदे न। नमें आवेदकें गी 200 रपे दी फीस भरनी होग जेड़ी वापस नैई होग। दुए गेड़ दे दाखले दी एह प्रक्रिया 10 सितंबर 2026 गी खत्म होई जाहंग मेदवारें गी सलाह दित्ती जंदी ऐ जे ओह समें सीमा ते तरीकें दा चेचे तौरा पर ध्यान रक्खन।

<><><><><><>